



Minggu, 9 Januari 2022
Ogen: Esekiel 22:23-31



"Kuh Si La Mehuli"



Renungen wari enda mabai kita nuluh ku pudi si ngerana kerna dosa pemimpin-pemimpin Israel. Kerina pemimpin Bangsa erlagu langkah si la mehuli, kerina ngikuti sura-sura doni enda. Itindesna kalak musil, ibunuhna kalak si la ersalah. Ertina Kuh perbahanenna si la mehuli. Nembah kel ate Dibata nandangi Pemimpin bangsa Israel e. Merawa IA, teridah arah kata-katana i bas ayat 31 nina, *"Erkitekten si e kucurcurken me pernembah ateKu man bangsa e desken sada api si ngkernepken ia perban kai si nggo ilakokenna."*

Perbahanan si la mehuli ngerehken ukumen i bas Dibata nari. Dibata e labo sinik nandangi perbahanan si la uli, iradaskenna, ikernepkenna alu api si gurlah ngeradasken sekelewetna. Ikuhi Dibata kiniseran bangsa Israel ras pemimpin bangsaNa segelah arah perbahanan Dibata e lit perubahan bangsa ISrael nandangi Dibata.

Uga nge penggejapennta nandangi kata Dibata si jadi renungenta enda? Selaku bangsa Pilihan Dibata, arusna bangsa Israel arus ngergaken Dibata si nggo milih ia. Kalak siiperdiateken Dibata, harus nggeluh erkemalangen man Dibata. Bangsa Pilihan e, e me bangsa si iajari guna ncidahkan lagu langkah si mehuli bagi si ngena ate Dibata. Enda me sada tugas si arus idalanken bangsa Pilihan e. Perbahanan si ngena ate Dibata, mabai kita ngeluh erjorena iadep-adepenNa. Uga dage ninta? Kita pe bangsa Pilihan Tuhan si arus ncidahkan biak si mehuli. Melala biak si la mehuli i sekelewttta, tapi i bas kiniersadaanta maka biak si la mehuli e pe baci masap bas geluhta. Mari sisaksiken e guna geluhta.

Nabi Esekiel pe mpeseh sura-sura Dibata nandangi bangsana gelah min bangsa Israel robah arah kinilepakenna nari. KIta pe selaku bangsa pilihan Dibata er payonalah ndalani kegeluhenta enda. Ula sempat sibah merawa Dibata nandangi kegeluhenta. Terpujilah gelar Dibata.

Pebelin biak Dibata i bas geluh